

ՀԵՏԱՔՐՔՐՎԱԾՈՒԹՅԱՆ ՀԱՅՏԻ ՆԵՐԿԱՅԱՑՄԱՆ ՀՐԱՎԵՐ

(ԽՈՐՀՐԴԱՏՎԱԿԱՆ ԾԱՌԱՅՈՒԹՅՈՒՆՆԵՐ - ԱՆՀԱՏ ԽՈՐՀՐԴԱՏՈՒԻ ԸՆՏՐՈՒԹՅՈՒՆ)

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

ՀԱՅԱՍՏԱՆԻ ԱՂՔԱՏ և ԿԱՐԻՔԱՎՈՐ ԱՆՁԱՆՑ ԿԵՆՍԱՄԻՋՈՅՆԵՐԻ
ԲԱՐԵԼԱՎՈՒՄ

ԴՐԱՍԱՇՆՈՐՀ՝ TF 013894

Նշանակման անվանումը՝ Մասնագիտական ուսուցումների փորձագետ-
Մասնագիտական աջակցություն «Առաքելություն
Հայաստան» կազմակերպության
դասընթացավարների

Հղման թվակիր համարը /ըստ Գնումների պլանի/՝ **SLVPVP -C- 3.1.2**

«Առաքելություն Հայաստան» բարեգործական հասարակական կազմակերպությունը
Ճապոնիայի Սոցիալական Ջարգացման Հիմնադրամից Համաշխարհային բանկի միջոցով
ստացել է ֆինանսավորում «Հայաստանի աղքատ և կարիքավոր անձանց կենսամիջոցների
բարելավում» ծրագրի իրականացման համար և նպատակ ունի ծրագրի միջոցների մի մասն
օգտագործել ծրագրի շրջանակներում «Առաքելություն Հայաստան» կազմակերպության
դասընթացավարներին մասնագիտական ուսուցումների փորձագետի /հետայսու՝
Խորհրդատու/ խորհրդատվական ծառայություններ մատուցելու դիմաց:

Խորհրդատվական ծառայությունները («Ծառայություններ») ներառում են.
մասնագիտական աջակցություն ծրագրի շահառուների համար «Առաքելություն
Հայաստան» կազմակերպության բազմաֆունկցիոնալ ծառայությունների մատուցման
կենտրոններում անցկացվելիք ուսուցումներին և կատարված աշխատանքների
մշտադիտարկում՝ հաշվետու լինելով ծրագրի համակարգողին:

Խորհրդատուն լրիվ դրույքով պաշտոն է, աշխատավայրը՝ «Առաքելություն Հայաստան»-
ի Կենտրոնական գրասենյակ: Խորհրդատուն վարձվելու է մեկ տարի ժամկետով՝ ևս
երկու տարվա հնարավոր երկարաձգմամբ՝ կախված պարտկանությունների կատարման
արդյունքներից:

Խորհրդատուն պետք է.

- կազմի «Առաքելություն Հայաստան» կազմակերպության բազմաֆունկցիոնալ
ծառայությունների կենտրոններում անցկացվելիք ուսուցումների և դրանց առնչվող
գործառնությունների իրականացման պլանը և ժամանակացույցը,
- մասնակցի ուսուցումներին հաճախելիք շահառուների ընտրությանը և խմբավորմանը՝
ըստ ուսուցման տիպի և ըստ շահառուների ֆիզիկական ու մտավոր
կարողությունների,
- մասնակցի մրցունակ մասնագիտական դասընթացների, ինչպես նաև
դասընթացավարների ընտրությանը,
- ծրագրի աշխատակազմին և շահառուներին տրամադրի մասնագիտական
խորհրդատվություն/աջակցություն՝ մասնագիտական դասընթացների
կազմակերպմանը, կորդինացմանն ու վերահսկմանը վերաբերող բոլոր հարցերի
առնչությամբ,

- ծրագրի մշտադիտարկման և գնահատման խորհրդատուի հետ համատեղ կազմի հարցաթերթեր և այլ փաստաթղթեր՝ գնահատելու համար դասընթացներին մասնակցած շահառուների նախա-ուսուցման և հետ-ուսուցման առաջադիմությունը
- համագործակցի տեղական իշխանությունների, զբաղվածության պետական ծառայության գործակալությունների և մասնավոր հատվածի հետ՝ տեղեկատվություն հավաքելով թափուր աշխատատեղերի և զբաղվածությանն առնչվող այլ հնարավորությունների վերաբերյալ,
- ծրագրի շահառուների համար անցկացնի կողմնորոշման և աշխատանք գտնելուն, աշխատանքային օրենսդրությանն ու այլ հարցերի վերաբերող պարապմունքներ
- ծրագրի դասընթացներն ավարտած և աշխատանքի տեղավորված շահառուներին տրամադրի խորհրդատվություն՝ աշխատանքին վերաբերող տարբեր հարցերի շուրջ,
- ծրագրի մշտադիտարկման ու գնահատման մասնագետի հետ ստուգի մասնագիտական ուսուցումներն ավարտած շահառուների զբաղվածությանն ու վարձատրությանը վերաբերող արդյունքները,
- ապահովի իր պարտականությունների ոլորտին վերաբերող ցուցանիշների և նախատեսված արդյունքների իրականացումը՝ ըստ ծրագրի գործառնական ձեռնարկի պահանջների, և կազմի իր պարտականություններին վերաբերող ընթացիկ հաշվետվությունները,
- ծրագրի համակարգողի հանձնարարությամբ իրականացնի այլ գործառնություններ:

«Առաքելություն Հայաստան»-ը վերոնշյալ պահանջներին համապատասխանող անհատ խորհրդատուներին հրավիրում է ներկայացնել Ծառայությունների մատուցման հետաքրքրվածության հայտ: Հետաքրքրված անհատ խորհրդատուները պետք է տրամադրեն տեղեկություններ՝ ցույց տալով, որ վերոնշյալ Ծառայությունների մատուցման համար իրենք ունեն պահանջվող որակավորումները և համապատասխան փորձ:

Ընտրության չափանիշներն են.

- Բարձրագույն կրթություն կրթական համապատասխան ոլորտներում
- Առնվազն երեք տարվա աշխատանքային փորձ մասնագիտական կրթության և ուսուցումների բնագավառում
- Փորձառություն հաշմանդամություն ունեցող անձանց մասնագիտական կրթության և զբաղվածության առանձնահատկություններին առնչվող ոլորտում
- Հայերեն և անգլերեն լեզուներով գրավոր ու բանավոր հաղորդակցման և համապատասխան նյութեր կազմելու /թղթագրության հմտություններ
- Համակարգչային վարժ հմտություններ (Word, Excel, Power Point, Internet)

Հետաքրքրված անհատ խորհրդատուների ուշադրությունը հրավիրվում է Համաշխարհային բանկի Ուղեցույցների 1.9 պարագրաֆին՝ ՀԲ վարկառուների կողմից խորհրդատուների ընտրություն և վարձում. 2011 թ. հունվարին ՎԶՄԲ փոխառությունների և ՄՁԸ վարկերի և դրամաշնորհների շրջանակներում /«Խորհրդատուի ուղեցույց»/ սահմանված շահերի բախման վերաբերյալ Համաշխարհային բանկի քաղաքականությանը: www.worldbank.org/procure/.

Խորհրդատուի ընտրությունը իրականացվելու է Բաժին V-ում ներկայացված Անհատ խորհրդատուների ընտրության ընթացակարգերի համաձայն: www.worldbank.org/procure/

Հավելյալ տեղեկությունների համար դիմել ստորև ներկայացված էլ. հասցեով աշխատանքային ժամերին՝ 09:00-ից - 18:00:

Հետաքրքրվածության հայտերը պետք է ներկայացվեն գրավոր՝ էլեկտրոնային փոստով մինչև 2014 թվի մայիս 14-ը, ժամը 18:00-ն՝ ստորև ներկայացված էլ. հասցեով.

Hr.Legal@ngo.mission.am

«Առաքելություն Հայաստան» բարեգործական հասարակական կազմակերպության
Կադրերի բաժնի ղեկավար Ալլա Հարությունյանին